



冊府元龜

九十目錄
卷之一



13
849
3



門
849
3



冊府元龜

卷八百一

總錄部五十一

義第一

卷八百二

總錄部五十二

義第二

卷八百三

總錄部五十三

義第三

冊府元龜

卷八百三

卷八百四

總錄部五十四

義第四

卷八百五

總錄部五十五

高潔

弃官

卷八百六

總錄部五十六

賢德

卷八百七

總錄部五十七

知言

清廉

辭賞

卷八百八

總錄部五十八

遠名勢

避嫌

嫉惡

卷八百九

總錄部五十八

隱逸第一

卷八百十

總錄部六十

隱逸第二

卷八百十一

總錄部六十一

遊學 賜書

聚書

晚學

卷八百十二

總錄部六十二

富好施

卷八百十三

總錄部六十三

退迹

卷八百十四

總錄部六十四

讓

卷八百十五

總錄部六十五

誠感 陰德

卷八百十六

總錄部六十六

訓子第一

卷八百十七

卷總錄部六十七

訓子第二

卷八百十八

卷總錄部六十八

知子第一

卷八百十九

卷總錄部六十九

知子第二

卷八百二十

卷總錄部七十

立嗣

卷八百二十一

卷總錄部七十一

崇釋氏

卷八百二十二

卷總錄部七十二

尚黃老

卷八百二十三

卷總錄部七十三

清談 醞藉

卷八百二十四

總錄部七十四

名字第一

卷八百二十五

總錄部七十五

名字第二

卷八百二十六

總錄部七十六

品藻第一

卷八百二十七

總錄部七十七

品藻第二

卷八百二十八

總錄部七十八

論薦

卷八百二十九

總錄部七十九

論議第一

卷八百三十

總錄部八十

論議第二

卷八百三十一

總錄部八十一

規諷第一

卷八百三十二

總錄部八十二

規諷第二

卷八百三十三

總錄部八十三

詞辯第一

卷八百三十四

總錄部八十四

詞辯第二

卷八百三十五

總錄部八十五

性質樸 訥醜

卷八百三十六

總錄部八十六

養生 韜晦

卷八百三十七

總錄部八十七

文章第一

卷八百三十八

總錄部八十八

文章第二

卷八百三十九

總錄部八十九

文章第三

卷八百四十

總錄部九十

文章第四

卷八百四十一

總錄部九十一

文章第五

卷八百四十二

總錄部九十二

文章第六

卷八百四十三

總錄部九十三

文章第七

卷八百四十四

總錄部九十四

守官 勤幹

卷八百四十五

總錄部九十五

膂力 趨捷 善武藝 執御

卷八百四十六

總錄部九十六

善射

卷八百四十七

總錄部九十七

勇

卷八百四十八

總錄部九十八

任俠

卷八百四十九

總錄部九十九

諫諍 謀畫

卷八百五十

總錄部一百

器量
才敏

卷八百五十一

總錄部一百一

友悌第一

卷八百五十二

總錄部一百二

友悌第二

卷八百五十三

總錄部一百三

細好

卷八百五十四

總錄部一百四

立言

卷八百五十五

總錄部一百五

曠遠
縱逸

卷八百五十六

總錄部一百六

知音第一

卷八百五十七

總錄部一百七

知音第二

卷八百五十八

總錄部一百八

醫術第一

卷八百五十九

總錄部一百九

醫術第二

卷八百六十

總錄部一百十

相術

卷八百六十一

總錄部一百十一

筆札

卷八百六十二

總錄部一百十二

起復

卷八百六十三

總錄部一百十三

生日

名諱

為人後

卷八百六十四

總錄部一百十四

仁信 儉

謹慎

好謙

卷八百六十五

總錄部一百十五

報恩

卷八百六十六

總錄部一百十六

貴盛

卷八百六十七

總錄部一百十七

內舉 自知

卷八百六十八

總錄部一百十八

遊宴 餞別 好客

卷八百六十九

總錄部一百十九

明算 明地理 圖畫 博奕

卷八百七十

總錄部一百二十

救患第一

卷八百七十一

總錄部一百二十一

救患第二

卷八百七十二

總錄部一百二十二

訟寃第一

卷八百七十三

總錄部一百二十三

訟寃第二

卷八百七十四

總錄部一百二十四

訟寃第三

卷八百七十五

總錄部一百二十五

訟寃第四

卷八百七十六

總錄部一百二十六

方術

卷八百七十七

冊元圖
九卷目錄
總錄部一百二十七

方正剛

卷八百七十八

總錄部一百二十八

計策第一

卷八百七十九

總錄部一百二十九

計策第二

卷八百八十

總錄部一百三十

獨行

卷八百八十一

總錄部一百三十一

交友第一

卷八百八十二

總錄部一百三十二

交友第二

卷八百八十三

總錄部一百三十三

形貌

冊元圖

九卷目錄

卷八百八十四

總錄部一百三十四

薦舉

卷八百八十五

總錄部一百三十五

以德報怨

和解

卷八百八十六

總錄部一百三十六

游說第一

卷八百八十七

總錄部一百三十七

游說第二

卷八百八十八

總錄部一百三十八

游說第三

卷八百八十九

總錄部一百三十九

游說第四

卷八百九十

總錄部一百四十

游說第五

卷八百九十一

總錄部一百四十一

游說第六

卷八百九十二

總錄部一百四十二

夢徵第一

卷八百九十三

總錄部一百四十三

夢徵第二

卷八百九十四

總錄部一百四十四

謹言

卷八百九十五

總錄部一百四十五

連命

運命

知亡日

卷八百九十六

總錄部一百四十六

復讎

卷八百九十七

總錄部一百四十七

改過 悔過

卷八百九十八

總錄部一百四十八

治命

卷八百九十九

總錄部一百四十九

致政

卷九百

總錄部一百五十

自薦

干謁

冊府元龜

卷九百一

總錄部一百五十一

公直

直

服義

卷九百二

總錄部一百五十二

貧

安貧

卷九百三

總錄部一百五十三

書信第一

卷九百四

總錄部一百五十四

書信第二

卷九百五

總錄部一百五十五

書信第三

卷九百六

總錄部一百五十六

疾疢

穰厭

假告

卷九百七

總錄部一百五十七

薄葬

卷九百八

總錄部一百五十八

工巧

雜技

卷九百九

總錄部一百五十九

窮愁

憂懼

卷九百十

總錄部一百六十

偽政

卷九百十一

總錄部一百六十一

偽政第二

卷九百十二

總錄部一百六十二

偽政第三

卷九百十三

總錄部一百六十三

偽政第四

卷九百十四

總錄部一百六十四

嗜酒 酒失

卷九百十五

總錄部一百六十五

廢滯

卷九百十六

總錄部一百六十六

偏執命 介僻 褊急

卷九百十七

總錄部一百六十七

矜衒 改節

卷九百十八

總錄部一百六十八

忿爭 詆訐

卷九百十九

總錄部一百六十九

讎怨第一

卷九百二十

總錄部一百七十

讎怨第二

卷九百二十一

總錄部一百七十一

妖妄第一

卷九百二十二

總錄部一百七十二

妖妄第二

卷九百二十三

總錄部一百七十三

不忠 不孝 不睦

卷九百二十四

總錄部一百七十四

傾險 詐偽 飾非

卷九百二十五

總錄部一百七十五

譴累

卷九百二十六

總錄部一百七十六

媿恨 忍恥

卷九百二十七

總錄部一百七十七

畏懦 佞佛 說佞

卷九百二十八

總錄部一百七十八

好尚 嗜好 好丹術

卷九百二十九

總錄部一百七十九

不知人 謬舉

卷九百三十

總錄部一百八十

傲慢 不恭 竊

卷九百三十一

總錄部一百八十一

枉橫 短命

卷九百三十二

總錄部一百八十二

誣構第一

卷九百三十三

總錄部一百八十三

誣構第二

卷九百三十四

總錄部一百八十四

告訐

卷九百三十五

總錄部一百八十五

構患

卷九百三十六

總錄部一百八十六

吝嗇 躁競 私愛

卷九百三十七

總錄部一百八十七

奸佞第一

卷九百三十八

總錄部一百八十八

奸佞第二

卷九百三十九

總錄部一百八十九

譏誚

卷九百四十

總錄部一百九十

不嗣

患難

卷九百四十一

總錄部一百九十一

殘虐

酷暴

殃報

卷九百四十二

總錄部一百九十二

黷貨

禍敗

卷九百四十三

總錄部一百九十三

不諛

卷九百四十四

總錄部一百九十四

佻薄

卷九百四十五

總錄部一百九十五

巧官

附勢

朋黨

卷九百四十六

總錄部一百九十六

失禮

奢侈

厚葬

卷九百四十七

總錄部一百九十七

恢諧

庾詞

卷九百四十八

總錄部一百九十八

逃難第一

卷九百四十九

總錄部一百九十九

逃難第二

卷九百五十

總錄部二百

咎徵第一

卷九百五十一

總錄部二百一

咎徵第二

卷九百五十二

總錄部二百二

忌害

交構

交惡

卷九百五十三

總錄部二百三

傷感

不通

困辱

卷九百五十四

總錄部二百四

寡學

虛名

妄作

愚闇

卷九百五十五

總錄部二百五

知舊

贈遺

託孤

卷九百五十六

外臣部一

種族

卷九百五十七

外臣部二

國邑第一

卷九百五十八

外臣部三

國邑第二

卷九百五十九

外臣部四

士風第一

卷九百六十四

外臣部五

士風第二

卷九百六十一

外臣部六

士風第三

卷九百六十二

外臣部七

官號

才智

賢行

卷九百六十三

外臣部八

封冊第一

卷九百六十四

外臣部九

卷九百六十五

外臣部十

卷九百六十六

外臣部十一

卷九百六十七

外臣部十二

卷九百六十八

外臣部十三

卷九百六十九

外臣部十四

卷九百七十

外臣部十五

卷九百七十一

外臣部十六

卷九百七十二

外臣部十七

卷九百七十三

外臣部十八

卷九百七十四

外臣部十九

朝貢第三

卷九百七十一

外臣部十六

朝貢第四

卷九百七十二

外臣部十七

朝貢第五

卷九百七十三

外臣部十八

助國 征討

卷九百七十四

外臣部十九

褒異第一

卷九百七十五

外臣部二十

褒異第二

卷九百七十六

外臣部二十一

褒異第三

卷九百七十七

外臣部二十二

降附

卷九百七十八

外臣部二十三

和親第一

卷九百七十九

外臣部二十四

和親第二

卷九百八十

外臣部二十五

通好

卷九百八十一

外臣部二十六

盟誓

卷九百八十二

外臣部二十七

征討第一

卷九百八十三

外臣部二十八

征討第二

卷九百八十四

外臣部二十九

征討第三

卷九百八十五

外臣部三十

征討第四

卷九百八十六

外臣部三十一

征討第五

卷九百八十七

外臣部三十二

征討第六

卷九百八十八

外臣部三十三

備禦第一

卷九百八十九

外臣部三十四

備禦第二

卷九百九十

外臣部三十五

備禦第三

卷九百九十一

外臣部三十六

備禦第四

卷九百九十二

外臣部三十七

備禦第五

卷九百九十三

外臣部三十八

備禦第六

卷九百九十四

外臣部三十九

備禦第七

卷九百九十五

外臣部四十

交侵

卷九百九十六

外臣部四十一

鞫譯

納質

責讓

卷九百九十七

外臣部四十二

狀貌

技術

勇鷲

悖慢

怨懟
四十四
殘忍

卷九百九十八

外臣部四十三

姦詐

卷九百九十九

外臣部四十四

入覲
三十一
請求

互市

卷一千

外臣部四十五

強盛

離怨

亡滅

册府元龜

淮南子嗣京參閱

平極文翔鳳訂正

章黃國琦較釋

帝王部

總序

昔維出書九章聖人則之以為世大法其初一日五行一曰水二曰火三曰木四曰金五曰土帝王之起必承其王氣大古之世鴻荒朴畧不可得而詳焉庖犧氏之王天下也繼天之統為百王先實承木德以

建大號三墳所紀允居其首蓋五精之運以相生爲德木生火火生土土生金金生水水生木乘時迭王以昭統緒故創業受命之主必推本乎曆數參考乎徵應稽其行次上承天統春秋之大居正貴其體元而建極也前志之論閏位謂其非次而不當也其工氏任智刑以御九域霸而不王雖承太昊之後而不齒五德之序神農氏以火承木故爲炎帝軒轅有土德之瑞故號黃帝少昊以金德王故號曰金天氏顓頊以水德王號曰高陽氏帝嚳以木德王號曰高辛氏帝堯以火德王號曰陶唐氏帝舜以土德王號曰

有虞氏繇虞氏以上皆承運更起應期正位參列五辰之次而克當統紀至於正朔服色之改度戎祀朝會之所尚記籍斯逸罕得而述焉夏后氏受有虞之禪是謂金德正用建寅其色尚黑商湯代夏以水德王正用建丑其色尚白周武以木德王正用建子其色尚赤三代之際各居一統錯綜其數以通其變順三微之序極三才之致咸享祚長久蓋得夫天曆之正也三季之衰秦兼天下獨推五勝不當正統漢祖以斷蛇之符上繫成周是爲火德起自沛中旗幟皆赤至文帝時魯人公孫臣推終始之傳謂漢承秦當

用土德土德之應黃龍當見宜改正朔服色尚黃時丞相張蒼引河決金隄以爲漢當水德以十月爲正其色外黑內赤遂罷公孫臣之議明年黃龍見成紀乃用土行改曆服色而賈誼亦以爲然孝武正曆以正月爲歲首色尚黃數用五蓋以秦爲水德據漢土而克之從所不勝遂順黃德劉向父子以爲帝出乎震故庖犧氏姓受木德以母傳子終而復始自農軒歷唐虞三代漢得火行上合天統當時雖建厥議未克遵行世祖中興乃用其說魏氏始基有黃星之應又太史丞許芝言戊寅黃龍見此受命之符最著明

者也又易運期讖有黃氣授真人出之言又太微中黃帝坐嘗明赤帝坐嘗不見以爲黃家興而赤家衰亡之漸又熒惑失色十有餘年蘇林董巴等又言魏之氏族出自顓頊與舜同祖舜以上德承堯之火今魏亦以土德承漢之火於行運合於堯舜授受之次旣而受漢禪改元黃初議更正朔易服色殊徽號同律度量以乘土行以夏數爲得天卽用夏正而服色尚黃然尚循漢正朔弗之改也明帝在東宮著論以爲五帝三王雖同氣共祖祖不相襲正朔自宜改變以明受命之運卽位久之從高堂隆之議乃推三統

之次以魏得地統遂用建丑之月爲正月服色尚青
犧牲用白戎事乘黑首白馬建大赤之旂朝會建大
白之旂齊王嗣位以夏正得天改用建寅爲正月晉
武泰始二年有司舉唐堯舜禹不易祚改制至於湯
武始推行數今晉繼三皇舜禹之迹應天受禪宜用
前代正朔服色如虞遵唐故事而史臣之記晉爲金
行服色尚赤後魏道武天興初始詔有司議定行次
有司曰國家繼黃帝之後宜爲土德有土畜之瑞及
黃星之符遂從土德服色尚黃數用五犧牲用白行
夏之正孝文太和中下詔以丘澤初制配尚方定五

德相襲論有異嘗帝令百辟集議高闕以爲漢用火
德徵斬蛇之符上繼於周棄秦之暴越惡承善不以
世次爲正自時厥後乃以爲嘗魏承漢火生土故魏
爲土德晉承魏土生金故晉爲金德趙承晉金生水
故趙爲水德燕承趙水生木故燕爲木德秦承燕木
生火故秦爲火德今魏宜承秦爲土德李彪崔光等
以爲宜紹晉金德不當次於僭僞建議各殊稱年不
定旣而穆亮等大臣共議宜上承晉世定爲水德孝
文下詔特從其說後周革命有赤雀之祥群臣奏議
請更正朔定爲木行以承水德服色尚烏隋文受禪

次用火德以有赤光之瑞車服旌旗悉皆尚赤而帝服戎服悉皆以黃唐氏承統盛德在土至開元中有請改爲金德者終報罷之天寶中令諸衛緋色幡改爲赤黃色以應土德朱梁建國如秦之暴雖宅中夏不當正位同光續服再承絕緒晉承唐後是爲金德漢氏承晉實當水行周祖卽位之初有司定爲木德自伏羲氏以木王終始之傳循環五周至於皇朝以炎靈受命赤精應讖乘火德而王混一區夏宅土中而臨萬國得天統之正序矣凡帝王部一百二十八門

帝系

夫結繩之初朴畧茫昧莫獲而詳書契之後辨姓授氏可得而記太昊之前譜牒蓋闕帝鴻之後世緒具存司馬遷著之史記以存系表明乎受天命膺帝期者蓋以祖宗實有茂德所以後世承乎發祥若乃后稷播植周室於是隆興唐堯文思漢緒繇其增盛蓋瓜瓞之相屬故蘿圖而有融魏晉以還方冊可考罔不緬藉先烈誕啓丕圖若乃累積之懿傳繼之盛蓋繇德有厚薄源有淺深憑舊烈者蕃衍無世資者衰替今竝考舊史披帝錄詳究初終率用論次俾有條

而不紊庶百世而可知矣

太昊庖犧氏風姓母曰華胥作網罟以畋漁取犧牲

故天下號曰庖犧氏 一云取犧牲以充庖廚故曰庖犧氏是為犧皇後世音謬謂之

伏犧或謂之宓犧 一號皇雄氏繼天而王故曰帝太昊庖犧

氏沒女媧氏立為女皇 一云女帝 亦風姓承庖犧制度女

媧氏沒次有大庭氏柏皇氏中央氏栗陸氏驪連氏

赫胥氏尊盧氏渾沌氏吳英氏有巢氏朱襄氏葛天

氏陰康氏無懷氏凡十五世皆襲庖犧之號

炎帝神農氏姜姓母曰任已有嶠氏女為少典妃生

帝以火承木故為炎帝 一云南方生夏 農故天下號

曰神農氏 一云農自土或云帝炎 本起烈山氏或稱之一號魁隗

氏納奔水氏女曰聽談生帝臨魁次帝承次帝明次

帝直次帝釐次帝襄次帝榆罔自炎帝至榆罔凡八

世

黃帝軒轅氏少典之子 有熊國君少典之子 姓公孫 一云姬姓 母曰

附寶居軒轅之丘因以為名 一云有軒冕之服故天下號曰軒轅氏 有

土德之瑞故號黃帝一號帝鴻氏 亦曰歸藏氏 在位百年

年百一十歲 或云壽三百歲

少昊金天氏黃帝之子黃帝娶西陵之女是為嫫祖

一作 為正妃生二子其一曰玄囂是為青陽降居江

冊府元龜 帝王部 卷之一 六

水即少昊也邑于窮桑以登帝位故謂之窮桑帝以金承土故天下號曰金天氏金主西方秋故曰少昊在位百年

一云八十四年

顓頊高陽氏姬姓黃帝之孫昌意之子昌意娶蜀山氏女曰昌僕謂之女樞生帝以水承金天下號曰高陽氏

在位七十八年年九十八歲

帝嚳高辛氏姬姓黃帝之曾孫父曰嶠極嶠極父曰玄囂帝於顓頊為族子其母不見以水承木天下號曰高

辛氏在位七十五年年五百歲一云生十五而佐顓頊三十登帝位

帝堯陶唐氏伊祁姓帝嚳之子帝嚳娶陳鋒氏生放

勛陳鋒氏女曰慶都生放勛次姬訾氏女生摯勛一云帝嚳紉四妃有台氏女曰姜嫄生后稷次有娥氏女曰簡狄生契次勛

為唐侯摯在位一年而放勛立是為堯帝以火承木天下號曰陶唐氏在位九十八年年百一十八歲

帝舜有虞氏姚姓父曰瞽叟瞽叟父曰橋牛橋牛父曰句望句望父曰敬康敬康父曰窮蟬窮蟬父曰帝

顓頊顓頊父曰昌意以至舜七世矣自窮蟬以至帝舜皆微為庶人堯禮舜以天下以土承火天下號曰

有虞氏始舜生三十徵庸言其始見試用三十在位歷試二年攝政

二十五年五十載陟方乃死方道也舜即位五十年升道南方巡狩死於蒼梧之野而

葬年百一十二歲通版堯喪三年也一云舜年二十
行天子事年六十一代堯以孝聞年三十堯舉之年五十稱
踐帝位三十九年年百歲

禹夏后氏姁姓父曰鯀鯀之父曰帝顓頊顓頊之父
曰昌意昌意之父曰黃帝禹者黃帝之玄孫而帝顓
頊之孫也禹之曾大父昌意及父鯀皆不得在帝位
為人臣舜禮禹以天下以金承土天下號曰夏后氏
禹年八十六攝行天子事五年年九十餘舜喪明年
卽真年百歲禹娶塗山氏之女生啓在位九年啓生
太康在位二十九年太康弟仲康在位十三年仲康
生相一名相安在位二十八年相遺腹子母有仍氏之女

生少康在位二十一年少康生宁一作杼又作李在

位十七年宁生槐一作恭一作魁在位二十六年槐生

芒一云荒和在位十八年芒生泄一云泄宗在位十六年

泄生不降或曰江戌在位五十九年不降弟扃一作扃又

高或曰在位二十一年扃生厘一作厘或曰厘江在位二十年不

降生孔甲在位三十一年孔甲生皐一名皐苗在位十一

年皐生發一名后敬在位十一年發生履癸是爲桀

謚法賊人或曰發惠在位五十三年爲湯所滅禹自戊戌歲建

多或曰桀在位五十三通羿浞國盡巳酉十五

代十七王四百三十二年殷湯子姓其先契母曰簡狄有娥氏之女有娥在不

為帝嚳次妃三人行浴見玄鳥墮其卵簡狄取吞之

因孕生契契長而佐禹治水有功帝舜乃命契曰百

姓不親五品不遜汝為司徒敬敷五教在寬封於商

際功業著於百姓百姓以平契生昭明昭明生相土

相土就契封於商一云相土生昌若一云昌若生曹

圉一云曹圉生冥冥為司空勤其官事冥生振振生

微微生報丁報丁生報乙報乙生報丙報丙生壬壬

主壬生主癸主癸之妃曰扶都生天乙以乙是為成

湯自契至湯十四世湯踐天子位十三年年百歲太

子太丁未立而卒於是廼立太丁之弟外丙在位三

年外丙弟仲壬在位四年仲壬兄太丁之子太甲在

位十四年年百歲太甲生沃丁在位三十年一云二

沃丁生太康在位二十五年太康生小甲一云在位

十七年一云三小甲弟雍巳在位十二年雍巳弟太

戊在位一十五年大戊生仲丁在位十一年一云十

仲丁弟外壬在位十五年外壬弟河亶甲在位九年

河亶甲生祖乙在位十九年祖乙生祖辛在位十六

年祖辛弟沃甲一云在位二十五年沃甲兄祖辛之

子祖丁在位三十二年祖丁弟沃甲之子南庚在位

二十九年祖丁之子陽甲在位有七年陽甲弟盤庚

在位二十八年盤庚弟小辛在位二十一年小辛弟小

乙在位二十年一云二十一年小乙生武丁在位五十九年

年百歲武丁生祖庚在位七年祖庚弟祖甲在位三十

三年祖甲生廩辛一云馮辛在位六年廩辛弟庚丁在位

二十一年庚丁生武乙在位四年武乙生太丁一名文丁在位

三年太丁生帝乙在位三十七年帝乙生受辛天下謂之紂

謚法殘義在位三十二年湯自乙未歲建國盡戊寅

損善曰紂百四十五年

周文王姬姓其先后稷名棄其母有邵氏女曰姜嫄

或曰謚號姜嫄為帝嚳元妃姜嫄出野見巨人跡心

欣然說欲踐之踐之而身動如孕者居期而生子以

為不祥棄之隘巷馬牛過者皆辟不踐徙置之林中

適會山林多人遷之而棄渠中冰上飛鳥以其翼覆

薦之姜嫄以為神遂收養之初欲棄之因名曰棄棄

為兒時屹如巨人之志其遊戲好種樹蓀菽麥及為

成人遂好耕農相地之宜宜穀者稼穡焉民皆法則

之帝堯聞之舉棄為農師天下得其利有功帝舜曰

棄黎民始饑一云祖饑爾后稷播時百穀封棄於邵

今釐鄉號曰后稷別姓姬氏后稷之興在陶唐虞夏

之際皆有令德后稷生不窋不窋末年夏后氏政衰
去稷不務而不窋以失其官而奔戎狄不窋生鞠鞠
生公劉公劉雖在戎狄之間復修后稷之業務耕種
行地宜自漆沮渡渭取財用行者有資居者有畜積
民賴其慶百姓懷之多徙而保歸焉周道之興自此
始故詩人歌樂思其德公劉卒慶節立國於豳新平漆縣
之東北慶節生皇僕皇僕生姜弗姜弗生毀隄一作隄隄
有豳亭毀隄生公非公非生高圉高圉能率稷者也周人報之高圉生亞
圉亞圉生公叔祖類公叔祖類生古公亶父復修后
稷公劉之業績德行義國人皆戴之獯鬻戎狄攻之

欲得財物與之已復攻之欲得地與民民皆怒欲戰
古公曰有民立君將以利之今戎狄所為攻戰以吾
地與民民之在我與其在彼何異民欲以我故戰殺
人父子而君之予不忍為乃與私屬遂去豳渡漆沮
水在杜陽岐山踰梁山止於岐下山在扶風美陽西北其南有周原始
杜陽縣在扶風改國曰周 豳人舉國扶老携弱盡復歸古公於岐下及他
旁國聞古公仁亦多歸之於是古公乃貶戎狄之俗
而營築城郭室屋而邑別居之分別而為邑落也作五官有
司天子之五官曰司徒司馬司空民皆歌樂之頌
其德古公有長子曰泰伯次日虞仲太姜生少子季

歷季歷娶太任

太姜有邠氏之女太任摯任氏之中女

皆賢婦人生昌

有聖瑞古公曰我當有興者其在昌乎長子泰伯虞

仲知古公欲立季歷以傳昌二人乃亡如荆蠻文身

斷髮

嘗在水中故斷其髮文其身以象龍子故不見傷害

以讓季歷季歷立是

為公季公季脩古公遺道篤於行義諸侯順之公季

卒子昌立是為西伯西伯曰文王遵后稷公劉之業

則古公公季之法始自岐下徙都豐詩人道西伯蓋

受命之年稱王而斷虞芮之訟

虞在河東太陽縣芮在馮翊臨晉縣在

位五十年太子發立是為武王在位七年武王生成

王在位三十七年成王生康王在位二十六年康王

生昭王在位五十一年昭王生穆王在位五十五年

年百四歲穆王生恭王在位十二年恭王生懿王在

位二十五年恭王弟孝王在位十五年懿王太子夷

王在位十六年夷王生厲王在位三十七年厲王生

宣王在位四十六年宣王生幽王在位十一年幽王

生平王在位五十一年平王生太子洩父蚤死立其

子是為桓王在位二十三年桓王生莊王在位十五

年莊王生釐王在位五年釐王生惠王在位二十五

年惠王生襄王在位二十三年襄王生頃王在位六

年頃王生匡王在位六年匡王弟定王在位二十一

年定王生簡王在位十四年簡王生靈王在位二十
 七年靈王生景王在位二十五年景王生悼王在位
 一年悼王弟敬王在位四十四年敬王生元王在位
 七年元王生貞定王在位二十八年貞定王生哀王
 在位九十日哀王弟思王在位百五十日思王弟考
 王一云考哲王在位十五年考王生威烈王在位二十四
 年威烈王生安王一作元安又作原安在位二十六年安王生
 烈王一作夷烈在位七年烈王弟顯王一作顯聖在位四十八
 年顯王生慎靚王一作順靖在位六年慎靚王生赧王在
 位五十年周自武王已卯歲建國至赧王三十
 一代三十七王共八百六十七年

漢高祖沛豐邑中陽里人姓劉氏母媪史失其姓

累學掇龍事孔甲范氏其後也晉大夫范宣子曰祖

自虞以上為陶唐氏在夏為御龍氏即劉也在商為豕

韋氏國名在東郡白馬縣東南在周為唐杜氏二國名唐太原晉陽縣杜京兆杜縣

晉主夏盟為范氏范氏為晉士師言晉為霸王魯文

公世奔秦後歸於晉其處者為劉氏劉向云戰國時

劉氏自秦奔於魏秦滅魏遷大梁都於豐故周氏說

雍齒曰豐故梁地也高祖本系出自唐帝降及於周

在秦作劉涉魏而東遂為豐公豐公蓋太上皇父其

遷日淺墳墓在豐鮮焉及高祖即位置祠祀官則有

秦晉梁荆之筮世祠天地綴之以祀綴言不絕也高祖初

封漢王五年平項籍即皇帝位在位通為王十二年

年六十二太子立是為惠帝帝呂后之子在位七年

高祖中子文帝立母曰薄太后在位二十三年年四

十七太子立是為景帝母曰竇皇后在位十六年年

四十八中子武帝立母曰王美人在位五十四年年

六十九少子昭帝立母曰趙婕妤在位十三年年二

十六無子立武帝孫昌邑王賀父曰昌邑哀王髡在

位二十七日立武帝衛太子之孫史皇孫之子是為

宣帝母曰王翁須在位二十五年年四十三太子立

是為元帝母曰恭哀許皇后在位十六年年四十三

太子立是為成帝母曰王皇后在位二十六年年四

十六無子立元帝庶孫定陶恭王子是為哀帝母曰

丁姬在位六年年二十六無子立元帝庶孫中山孝

王子是為平帝母曰衛姬在位五年年四十無子王

莽立宣帝玄孫孺子即位始生二歲孺子父題祖勳

皆為廣戚侯曾祖楚孝王囂宣帝子也在位四年為

王莽所滅莽死平陵方望復立孺子為帝數月遇害

年二十二漢自高祖乙未歲建國至孺子

後漢光武南陽蔡陽縣人南陽郡今鄧州縣也蔡陽縣故城在隨州棗陽縣西

南高祖九世之孫也出自景帝生長沙定王發長沙縣今

潭州發生春陵節侯買春陵鄉名本屬零陵元帝特徙南陽仍號春陵故城今在

隨州棗陽縣東買生鬱林太守外外生鉅鹿都尉回鉅鹿郡在邢州

縣也都尉本郡尉秦官也掌佐守典回生南頓令欽武職秩比二千石景帝更名都尉

南頓縣屬汝南郡故城在今陳州頓城縣西欽生光武母曰聞都南陽樊

重之女王莽末與更始舉義兵興復長安更始為赤

眉所破光武即皇帝位平赤眉在位三十三年年六

十二太子立是為明帝母曰陰皇后在位十八年年

四十八太子立是為章帝母曰賈貴人在位十三年

年三十一第四子立是為和帝母曰梁貴人在位十

七年年三十二少子立是為殤帝母曰鄧皇后立百

七十年年二歲章帝孫清河孝王子立是為安帝母

曰左姬在位一十九年年三十二章帝孫濟北王子

北鄉侯立二百七十日安帝廢太子濟陰王立是為

順帝母曰李氏在位十九年年三十太子立是為冲

帝母曰虞賁人在位一年年三歲章帝玄孫千乘貞

王曾孫樂安夷王孫渤海孝王子立是為質帝母曰

陳夫人在位一年年九歲章帝曾孫河間孝王孫蠡

吾侯子立是為桓帝母曰閔氏在位二十一年年三

十六章帝玄孫河間孝王曾孫解瀆亭侯孫立是為

靈帝母曰董夫人在位二十二年年三十四子弘農王立
在位百三十八日王弟陳留王立是為獻帝母曰王美人
在位三十一年年四十禪於魏魏文帝封為山陽公明帝
青龍二年薨年五十四

後漢自光武乙酉歲至獻

帝庫子凡八代十四帝共一百九十六年

魏太祖姓曹氏漢相參之後其先出於黃帝當高陽世陸終之子曰安是為曹姓周武王克殷存先世之後封曹快於邾春秋之世與於盟會逮至戰國為楚所滅子孫分流或家於沛漢祖之起曹參以功封平陽侯世襲爵土絕而復紹桓帝世曹騰為中嘗侍大

長秋封費亭侯養子嵩嗣官至太尉莫能審其生出

本末

一云嵩夏侯氏之子惇之叔父太祖於惇為從父兄弟

嵩生太祖仕漢為

丞相封魏王建安二十五年薨年六十六太子嗣丞

相位魏王其年受漢禪是為文帝母曰卞皇后在位

七年年四十太子立是為明帝母曰文昭甄皇后在

位十四年年三十六無子養子齊王為太子

宮省事秘莫有

知其所在位十五年為司馬景王所廢年二十三文

帝孫東海定王子高貴鄉公立在位七年年二十太

祖孫燕王字子嘗道鄉公立在位七年年二十禪於

晉武帝封為陳留王薨年五十六

魏自文帝庫子歲至陳留王乙酉歲

凡四代五帝
四十六年

晉宣帝河內溫縣孝敬里人姓司馬氏其先出自帝
高陽之子重黎爲夏官祝融歷唐虞夏商世序其職
及周以夏官爲司馬其後程伯休父周宣王時以世
官克平徐方錫以官族因而爲氏楚漢間司馬邛爲
趙將與諸侯伐秦秦亡立爲殷王都河內漢以其地
爲郡子孫遂家焉自邛八世生征西將軍鈞字叔平
鈞生豫州太守量字公度量生潁川太守雋字元異
雋生京兆尹防字達公帝卽防之第二子也仕魏爲
太傅都督中外諸軍錄尚書事加相國封安平郡公

固讓嘉平三年薨年七十三追謚宣帝世子以撫軍
大將軍輔政母曰宣穆張皇后明年遷大將軍加侍
中都督中外諸軍事錄尚書事累加相國固辭正元
二年薨年四十八追謚景帝母弟繼爲大將軍加侍
中都督中外諸軍錄尚書事輔政累加相國封晉王
咸熙二年薨年五十五追謚文帝世子嗣相國晉王
位母曰文明皇后其年受魏禪是爲武帝在位二十
六年年五十五太子立是爲惠帝母曰武元楊皇后
在位十六年年四十八皇太弟武帝第二十五子立
是爲懷帝母曰王太妃在位七年年三十武帝孫吳

孝王晏子出繼秦王立是為愍帝在位五年年十八
 為劉聰所害宣帝曾孫瑯琊恭王覲之子立為晉王
 明年即皇帝位是為東晉元帝母曰夏戾太妃在位
 五年年四十七太子立是為明帝母曰豫章郡君荀
 氏在位三年年二十七太子立是為成帝母曰明穆
 庾皇后在位十七年年二十二母弟瑯琊王立是為
 康帝在位二年年二十三太子立是為穆帝母曰康
 獻褚皇后在位十七年年十九成帝長子瑯琊王立
 是為哀帝母曰章太妃在位四年年二十五母弟瑯
 琊王立在位六年大司馬桓溫廢為海西縣公大元

十一年薨年四十五元帝少子瑯琊王立是為簡文
 帝母曰簡文宣鄭太后在位二年年五十三太子立
 是為孝武帝母曰孝武李太后在位二十四年年三
 十五太子立是為安帝母曰安德陳太后在位二十
 二年年三十七母弟大司馬瑯琊王立是為恭帝在
 位二年禪於宋其年遇害年三十六
晉自武帝乙酉
歲至恭帝庚申
凡七世十五帝
一百五十六年
 後魏道武姓拓跋氏其先出自黃帝黃帝有子二十
 五人或內列諸華或外分一服昌意少子受封北土
 國有大鮮卑山因以為號其後世為君長統幽都之

北廣漠之野畜牧遷徙射獵爲業淳樸爲俗簡易爲化不爲文字刻木紀契而已世事遠近人相傳授如史官之紀錄焉黃帝以土德王北俗謂土爲拓謂后爲跋故以爲氏其裔始均入仕堯世逐女魃於弱水之北民賴其勤帝舜嘉之命爲田祖爰歷三代以及秦漢獯鬻獫狁山戎匈奴之屬累代殘暴作害中州而始均之裔不交南夏是以載籍無聞焉積六十七世至成皇帝屯立聰明武畧遠近所推統國三十六大姓九十九威振北方莫不率服其後有節帝貸莊帝觀明帝樓安帝越宣帝推寅於是南遷大澤方千

餘里厥土昏冥溷沮又有景帝利元帝侯和帝肆定帝機僖帝蓋威帝儉帝隣時有神人言於國曰此土荒遐未足以建都邑宜徙居獻帝年時衰老乃以位授子聖武帝詰汾獻帝命令南移山谷高深九難八阻於是欲止有神獸其形似馬其聲類牛先行導引歷年乃出始居匈奴之故地其遷徙策畧多出宣獻二帝故時人竝號曰推寅蓋俗云鑽研之義初聖武帝嘗率數萬騎田於山澤歛見輜輶自天而下旣至見美婦人侍衛甚盛帝異而問之對曰我天女也受命相偶遂同寢宿旦請還曰明年周時復會此

處言終而別去如風雨及期帝至先所田處果復相見天女以所生男授帝曰此君之子也善養視之子孫相承當世爲帝王語訖而去子卽始祖神元力微也故時人諺云詰汾皇帝無婦家力微皇帝無舅家神元生而英睿元年歲在庚子先是西部內侵國民離散依於沒鹿迴部大人賓賓始祖有雄傑之度時人莫測後與賓攻西部賓軍敗失馬步走始祖使人以所乘駿馬給之賓歸令其部內求與馬之人當加重賞始祖隱而不言久之賓乃知大驚將分國之半以奉始祖始祖不受乃進其愛女賓猶忍報恩故問

所欲始祖請率所部北居長川賓乃敬從積十數歲德威大洽諸舊部民咸來歸服二十九年賓臨終戒其二子使謹奉始祖其子不從乃陰謀爲逆始祖召殺之盡并其衆諸部大人悉皆款服控弦上馬二十餘萬三十九年遷於定襄之盛樂四月祭天諸部君長皆來助祭唯白部大人觀望不至於是徵而戮之遠近肅然莫不震懾始祖乃告諸大人曰我歷觀前世匈奴蹋頓之徒苟貪財利抄掠邊民雖有所得而其死傷不足相補更招寇讐百姓塗炭非長計也於是與魏相親神元饗國五十八年年百四歲子章帝

悉鹿立諸部離叛國內紛擾饗國九年弟平帝綽立

太子追謚文帝沙漠

雄武有謀略威德復舉饗國七年神元孫

百姓懷服饗國一年神元子昭帝祿官立分國爲三

部帝自以一部居東在上谷北濡源之西東接宇文

部以文帝之長子栢帝倚匱統一部居代郡之參合

陂北以栢帝弟穆帝倚盧統一部居定襄之盛樂故

城自始祖以來與晉和好百姓乂安財畜富實控弦

騎士四十餘萬昭帝統部十三年穆帝天資英特勇

畧過人遂總攝三部爲一統三年白部大人叛入西

河鐵木劉虎舉衆於鴈門應之攻晉新興鴈門三郡

并州刺史劉琨來乞師帝使弟子平文皇帝率騎二

萬助琨擊之大破白部次攻劉虎屠其營落虎收其

餘燼西走渡河竄居朔方晉懷帝進帝大單于封代

公帝以封邑去國懸遠民不相接乃從琨求句注陁

北之地琨自以託附聞之大喜乃徙馬邑陰館樓煩

繁峙崞五縣之民於陁南更立城邑盡獻其地東接

代郡西連西河朔方方數百里帝乃徙十萬家以充

之八年晉愍帝爲代王置官屬食代恒山二郡帝饗

國九年子晉根立月餘而薨晉根子始生栢帝后立

之其冬晉根子又薨思帝子平文帝鬱律立姿質雄壯甚有威畧元年歲在丁丑二年劉虎據朔方來侵西部帝逆擊大破之虎單騎逃走其從弟路孤率部落內附帝以女妻之西兼烏孫故地東吞勿吉以西控弦上馬將有百萬饗國五年相帝中子惠帝賀傳立以五年爲元年政事太后臨朝四年帝始臨朝以諸部人情未悉款順乃築城於東木狼山徙都之饗國五年弟煬帝紇那立五年出居於宇文部賀蘭及諸部大人共立平文帝長子翳槐是爲烈帝三年石虎遣將李穆率騎五千納烈帝於大寧國人六千餘

落叛煬帝煬帝出居於慕容部烈帝復位以三年爲後元年城新盛樂城在城東南十里是年平文帝次子昭成帝什翼犍立帝生而奇偉寬仁大度喜怒不形于色身長八尺隆準龍顏立髮委地臥則乳垂至席烈帝顧命使弟彌自詣鄴奉迎卽位於繁峙之北時年十九稱建國元年二年春始置百官分掌衆職三年春移都於雲中之盛樂宮饗國二十九年爲苻堅所破國衆離散堅使劉庫仁劉衛辰攝國事七年堅敗于淮南慕容文等殺庫仁庫仁弟眷攝國事九年庫仁子顯殺眷而代之明年昭成嫡孫卽位於牛

川建元登國凡九年又改皇始凡二年又改天興是年卽皇帝位改國號魏遷都平城是爲道武皇帝父曰獻明皇帝母曰獻明賀皇后并追尊成帝已下及后號謚道武在位十四年年三十九長子相國大將軍齊王立是爲明元帝母曰劉貴人在位十五年年三十二長子太平王監國是爲大武帝母曰密杜皇后在位二十九年年四十五嫡孫立是爲文成帝父曰景穆皇帝母曰宮閭皇后在位十四年年二十六太子立是爲獻文帝母曰李貴人在位六年傳國於太子是爲孝文帝年二十二孝文母曰李夫人在位

二十九年改國姓曰元氏年三十三太子立是爲宣武帝母曰高夫人在位十六年年三十三太子立是爲孝明帝母曰胡充華在位十三年年十九孝文曾孫京兆王愉孫洸王寶暉子劉立爲幼帝在位六十年日爲爾朱榮所害獻文孫彭城王勰第三子立是爲孝莊帝母曰李妃在位三年年二十四爲爾朱兆所害爾朱世隆立太武玄孫長平王曄在位六十日廢之又立獻文之孫廣陵王羽之子是爲前廢帝母曰王氏在位一年年二十五爲高歡所害立章武王馳第三子立是爲後廢帝母曰程氏在位二年年二十遜位

於孝文之孫廣平王懷第三子是為出帝母曰李氏
遷都長安為宇文泰所醜在位五年年二十五泰立
孝文孫京兆王愉之子是為西魏文帝母曰楊氏在
位十七年年四十五長子立是為廢帝母曰乙弗后
在位三年弟立是為恭帝在位三年禪於後周後魏自丙申歲道武建國至恭帝丙子歲凡七代十八帝共一百六十七年
後周太祖文帝姓宇文氏代郡武川人也其先出自
炎帝神農氏為黃帝所滅子孫遁居朔野有葛烏菟
者雄武多算略鮮卑慕之奉以為主遂總十二部落
世為大人其後普廻因狩得玉璽三紐有文曰皇帝

璽普廻異之以為天授其俗謂天曰宇因號宇文國
并以為氏焉普廻子莫那自陰山南徙始居遼西是
曰獻侯為魏舅生之國九世至侯豆歸為慕容晃所
滅其子陵仕燕拜附馬都尉封玄菟公魏道武將攻
中山陵從慕容寶禦之寶敗率甲騎五百歸魏拜都
牧主賜爵安定侯天興初徙豪傑於大都陵隨例遷
武川焉陵生系系生韜並以武畧稱韜生肱任俠有
氣幹正光末沃野鎮人破六汗披陵作亂遠近多應
之其偽署王衛可孤徒黨最盛肱乃糾合鄉里斬可
孤其眾乃散後避地中山遂陷於鮮于脩禮脩禮令

肱還統其部衆後爲定州軍所破沒於陣武成初追尊曰德皇帝太祖德皇帝之子仕西魏爲太師大冢宰大將軍封安定公恭帝三年薨世子嗣大將軍位其年受魏禪卽天王位是爲孝閔帝追尊太祖爲文王武成初追尊文皇帝孝閔母曰文皇后在位二百七十日爲宇文護所廢太祖長子大將軍寧都郡公立是爲明帝母曰姚夫人卽天王位四年年二十七太祖第四子大將軍魯國公立是爲武帝母曰叱奴太后卽皇帝位十八年年三十六太子立是爲宣帝母曰李太后在位二年傳位于太子是爲靜帝宣帝自

稱太上皇年二十二靜帝母曰朱皇后在位二年禪

于隋

後周自閔帝丁丑歲建國至靜帝辛丑凡三代五帝二十五年

隋高祖文帝姓楊氏弘農華陰人漢太尉震八代孫鉉仕燕爲北平太守鉉生元壽後魏代爲武川鎮司馬子孫因家焉元壽生太原太守惠嘏惠嘏生平原太守烈烈生寧遠將軍禎禎生大司空隋國公忠從周太祖起義關西賜姓普六茹氏開皇初追謚武元皇帝忠生高祖受周禪卽皇帝位復姓楊氏母曰呂皇后在位二十四年年六十四太子立是爲煬帝母曰獨孤皇后在位十四年唐高祖立帝之孫元德太

子昭之子是為恭帝母曰韋妃在位二年禪于唐封
為鄒國公明年薨年十五 隋自高帝巳酉建國至恭
帝戊寅凡三代三帝三十
年八

唐高祖神堯帝姓李氏隴西狄道人其先出自顓頊
顓頊生大業大業生女華女華生咎繇其子孫綿歷
虞夏代為理官遂為理氏殷末有理徵者直道不容
獲罪於紂子利貞逃難於伊侯之墟食李實得全又
改理為李氏周時有李氏凌者生子曰重耳字伯陽
周柱下史道家稱老君秦將李信即其後也信曾孫
廣為漢將前軍自此後代為牧守廣十六葉孫李晟

是為涼武昭王薨于歆嗣位為沮渠蒙遜所滅歆子
重耳奔於江南仕宋為汝南郡守復歸於魏拜弘農
太守贈豫州刺史生熙起家金門鎮將後以良家子
鎮於武川都督軍戎百姓之務終於位因遂家焉生
天錫仕魏為幢主大統時追贈司空公生太祖景皇
帝虎少儻有大志好讀書而不存章句尤善射輕
財重義雅尚名節深為太保賀拔岳所重元顓之入
雒也從岳擊平之以功封晉壽縣開國子食邑三百
戶拜寧朔將軍屯騎較尉復與岳破万俟醜奴留鎮
隴西累遷東雍州刺史尋轉衛將軍賀拔岳既鎮隴

右以太祖爲左相大都督委以內外軍事岳尋爲疾莫陳悅所害太祖哭之甚慟陰懷復讐之志時岳兄勝在荊州太祖星夜赴告勸勝入關收岳之衆勝不能從俄而周文帝起兵圖悅太祖聞之自荊州還至闕鄉爲高歡將所獲送詣雒陽魏武帝將收關右見太祖甚喜拜爲衛將軍賜以金帛鎮關中同與周文帝平疾莫陳悅遇高歡入雒太祖帥師迎魏武帝於潼關以功拜驍騎將軍加儀同三司遇靈州刺史曹泥擁兵作亂太祖率兵擊之時有破野頭賊屯聚塞下太祖遣使諭之皆來降服遂徵其衆并力攻泥四

旬而尅靈州平會阿至羅部落別道斷其歸路太祖親率驍銳襲擊大破之悉虜其衆進封長安縣侯食邑五百戶太祖不受讓於兄子康生周文帝許之後從文帝破高歡於沙苑斬級居多有賊帥梁企定據河州作亂太祖以本官兼尚書左僕射爲隴右行臺總兵以擊之部將烏軍長命潛與企定相連陰圖不軌太祖斬之以令三軍賊聞而大懼不敢戰遁走河北太祖將濟師於河企定率衆降獲男女數萬口以實三輔進位開府儀同三司餘如故南岐州兵楊益生馬僧等聚衆反與梁漢中相影響太祖以還師使

進擊之軍大散遣人諭以禍福益生遣使僞降太祖
察知其懷詐因令軍曰賊旣降可休士放馬以俟還
期遣其使反益生大喜遂不爲備放兵於外營求糧
食太祖因而趨之天將曉圍城已合外兵不得還城
中大擾因令壯士排闥而入無敢動者軍令嚴肅秋
毫不犯於是安輯其衆留別人鎮守俘益生以歸周
文帝嘉歎之遣使勞問尋授岐州刺史遇莫折後熾
寇秦州太祖又討之軍臨賊境後熾懼而降歸收其
精卒數千人會丁母憂哀毀過禮及葬特給輜輶車
太祖因廬於墓側負土成墳優詔起令視事嘗與周

文帝闕武於北山下時有人爲豹所噬無敢救者太
祖不暇持杖趨往捉豹殺之周文帝大悅曰公之名
虎信不虛也後徙封趙郡公歷渭秦二州刺史復擊
叛胡平之徙封隴西公進拜太尉遷右軍大都督柱
國大將軍少師周受魏禪錄佐命功居第一追封唐
國公生世祖元皇帝昞世祖性至孝沉深有識量少
爲周文帝所禮在位十七年封汝陽縣伯食邑五百
戶尋拜撫軍大將軍大都督通直散騎嘗侍俄轉車
騎大將軍襲封隴西公遷驃騎大將軍開府儀同三
司侍中周受禪襲封唐國公拜御中正大夫歷鄜州

刺史安州總管爲政簡靜甚獲當時之譽尋遷柱國大將軍贈少保同華等八州刺史高祖卽元皇帝之世子母曰元貞皇后七歲襲封唐國公義寧二年受隋禪卽皇帝位在位九年傳位於皇太子是爲太宗年七十太宗母曰竇皇后在位二十三年年五十七太子立是爲高宗母曰文德長孫皇后在位三十四年年五十六太子立三十六日母武太后廢爲廬陵王立次子相王六年又降爲皇嗣賜姓武氏太后遂革命稱周凡十五年復以廬陵王爲太子尊卽皇帝位是爲中宗在位六年年五十五太子立是爲少帝

母韋庶人臨朝凡十七日相王第三子臨淄王隆基平韋氏亂奉相王卽皇帝位是爲睿宗在位三年年五十九太子立是爲玄宗母曰昭成竇皇后在位四十四年傳位於太子是爲肅宗玄宗稱太上皇年七十八肅宗母曰元獻楊皇后在位七年年五十二太子立是爲代宗母曰章敬吳皇后在位十七年年五十四太子立是爲德宗母曰睿貞沈太后在位二十六年年六十四太子立是爲順宗母曰昭德王皇后在位百八十日傳位於太子是爲憲宗順宗稱太上皇年四十六憲宗母曰莊憲王太后在位十五年年四

十三太子立是為穆宗母曰懿安郭太皇后在位四
 年年三十太子立是為敬宗母曰恭僖王太皇在位
 二年年十八弟穆宗第二子江王立是為文宗母曰
 貞獻蕭皇后在位十四年年三十二弟穆宗第五子
 穎王立是為武宗母曰宣懿韋皇后在位四年年三
 十二憲宗第十三子皇太叔立是為宣宗母曰孝明
 鄭皇后在位十三年年五十太子立是為懿宗母曰
 元昭晁太后在位十四年年四十一太子立是為僖
 宗母曰惠安王皇后在位十五年年二十七母弟立
 是為昭宗在位十六年年三十八第九子輝王立是

為哀帝母曰積善何太后在位四年禪于梁梁封為

濟陰王明年薨年十七

唐自高祖戊寅歲建國至哀帝丁卯凡五代二十帝通武

后革命共二百九十年

後唐太祖武帝本姓朱耶氏其先隴右金城人也始
 祖拔野唐貞觀中為墨離軍使從太宗討高麗薛延
 陀有功為金方道副都護因家於瓜州太宗平薛延
 陀諸部於安西北庭置都護以屬之分同羅僕骨之
 人置沙陀都督府蓋北庭有磧曰沙陀故因以為名
 焉永徽中以拔野為都督其後子孫五世相承曾祖
 盡忠貞元中繼為沙陀府都督既而為吐蕃所陷乃

舉其族七千帳徙於甘州盡忠尋率部衆三萬東奔俄而吐蕃追兵大至盡忠戰沒祖執宜卽盡忠之長子也收合餘衆至於靈州德宗命爲陰山府都督元和初入爲金吾將軍遷蔚州刺史代北行營招撫使莊宗卽位追謚爲昭烈皇帝廟號懿祖烈考國昌本名赤心仕唐朔州刺史咸通中討龐勛有功入爲金吾上將軍賜姓李氏名國昌仍係鄭王一房出爲振武節度使尋爲吐蕃所襲退保於神武川及武皇鎮太原表爲代北軍節度使中和三年薨莊宗卽位追謚爲文皇帝廟號獻祖太祖卽獻祖之第三子也母

曰秦氏仕唐爲河東節度使累封晉王天祐四年唐哀帝已禪于梁改元開平而太祖猶稱天祐至五年薨年五十三長子嗣晉王位是爲莊宗同光初追謚爲武皇帝廟號太祖莊宗母曰貞簡曹皇后天祐二十年卽皇帝位於鄴都其年平梁在位四年年四十三蕃漢馬步總管李嗣源爲三軍所立百寮勸進是爲明宗明宗北代人生於應州之金城縣世事太祖及其賜姓也遂編入屬籍四代祖聿贈麟州刺史天成初追尊爲孝恭皇帝廟號惠祖曾祖敖贈朔州刺史追尊爲孝質皇帝廟號毅祖祖琰贈蔚州刺史追

尊為孝靖皇帝廟號烈祖考霓贈汾州刺史追尊為
孝成皇帝初孝成事獻祖為愛將獻祖之失振武為
吐渾所攻部下離散孝成獨奮忠義解蔚州之圍明
宗即孝成之元子母曰劉氏追尊孝成懿皇后在位
八年年六十七第三子宋王立是為愍帝母曰昭懿
皇后在位百五十日出奔於衛州太后令降為鄂王
薨年二十一明宗養子潞王立是為末帝姓王氏鎮
州人母曰宣憲魏皇后在位三年年五十三晉高祖
入雒自焚後唐自莊宗癸未歲建國至末
帝丙申凡三代四主十四年
晉高祖姓石氏北京晉陽人也本衛大夫璿之後至

漢奮自河內徙家長安與子慶等德位俱盛時號漢
石君漢衰關輔亂子孫流徙西裔有居甘州者四代
祖璟以唐元和中與沙陀軍都督朱耶氏靈武入附
憲宗嘉之隸為河東陰山府較以邊功累官至朔州
刺史天福二年追尊孝安皇帝廟號靖祖三代祖柳
早薨贈右散騎嘗侍追尊孝簡皇帝廟號肅祖祖昱
任振武防禦使贈尚書右僕射追尊孝平皇帝廟號
睿祖考紹雍蕃字曰泉捩鷄善騎射有經遠大略始
從後唐太祖平定巢賊及事莊宗拒梁人戰上黨栢
仁討薊門劉守光有功功與周德威相亞德威鎮薊

莊宗承制授平州刺史行事多抗於德威德威憚其名嘗以禮下之俄改洛州刺史薨於任贈太傅追尊孝元皇帝廟號憲祖高祖卽憲祖第二子也母曰何氏追謚孝元懿皇后高祖事後唐尚明宗女永寧公主爲河東節度使兼中書令封趙國公清泰三年契丹酋長耶律氏至太原册立爲大晉皇帝是年入雒在位七年年五十一從子齊王立是爲少帝父曰敬儒爲莊宗騎將早薨母曰安太妃在位五年爲耶律氏所陷晉自唐祖丙申歲建國至少帝丙午凡二代二主十一年

漢高祖姓劉氏其先本沙陁部人也四代祖湍追尊

爲明元皇帝廟號文祖曾祖昂贈太保追尊爲恭僖皇帝廟號德祖祖僕贈太傅追尊爲昭獻皇帝廟號翼祖考瑛事後唐武皇爲列較贈太師追尊爲章聖皇帝廟號顯祖高祖卽顯祖之子母曰安氏追謚章懿皇后高祖仕晉爲河東節度使太尉兼中書令封北平王開運四年正月晉少主爲耶律氏所陷二月高祖卽皇帝位于太原稱天福十二年五月至東京在位二年年五十四第二子周王立是爲隱帝母曰李太后在位三年禪於周漢自高祖丁未歲建國至庚戌凡二代二主共四年

周太祖姓郭氏邢州堯山人或云本嘗氏子幼隨母

適郭氏故冒其姓高祖璟廣順初追尊為睿和皇帝
 廟號信祖曾祖諶贈太保追尊為明憲皇帝廟號僖
 祖祖蘊贈太傅追尊為翼順皇帝廟號義祖考簡贈
 太師追尊為章肅皇帝廟號慶祖初唐咸通中代北
 徐方用兵伐叛信祖僖祖從戎師接戰以勇敢知名
 義祖事後唐武皇為帳中親信乾寧中從征澤潞邢
 維累授河內馬步軍都虞候武皇平安敬思再定邢
 維移授邢之軍職因卜居堯山縣武皇經啓霸圖觀
 兵大鹵劉仁恭陸梁燕薊窺伺中原梁氏蠶食兩河
 尋戈不息慶祖為武皇內牙愛將專掌親軍指麾所

行無不景從攻城野戰勇爵崇高天復中武皇兵出
 居庸山北尅捷以慶祖為順州刺史太祖卽慶祖之
 子母曰王氏追謚章德皇后太祖仕漢為樞密使兼
 侍中乾祐四年受漢禪在位四年年五十一養子開
 封尹晉王立是為世宗本姓柴氏蓋太祖聖穆皇后
 之姪在位六年年三十九子梁王立是為恭帝在位
 一年禪於大宋

周自太祖辛亥歲建國至恭
 帝庚申凡三代三主共十年

